



Strategija EU za Jadransko-jonski region (EUSAIR)

O EUSAIR-u

Strategija EU za Jadransko-jonski region (EUSAIR) je makroregionalna strategija koju je usvojila Evropska komisija a odobrilo Evropsko vijeće 2014. godine. Strategiju su zajednički izradile Komisija i države Jadransko-jonskog regiona i interesne strane koje su pristale zajednički raditi u oblastima od zajedničkog interesa, a u korist svake od država i čitavog regiona.

Strategija

Strategija EU za Jadransko-jonski region je jedna od četiri makroregionalne strategije EU, pored Strategije EU za region Baltičkog mora (2009), Strategije EU za Dunavski region (2011) i Strategije EU za Alpski region (2016).

EUSAIR-om je obuhvaćeno osam zemalja: četiri države članice EU (Hrvatska, Grčka, Italija, Slovenija) i četiri države koje nisu članice EU (Albanija, Bosna i Hercegovina, Crna Gora, Srbija).

Pozadina i ciljevi

Opći cilj EUSAIR-a je podsticanje ekonomskog i socijalnog prosperiteta i rasta u regionu kroz poboljšanje njegove atraktivnosti, konkurentnosti i povezanosti. Uz četiri države članice EU i četiri države izvan EU, Strategija će doprinijeti daljnjoj integraciji Zapadnog Balkana.

Države učesnice EUSAIR-a su se usaglasile oko oblasti od zajedničkog interesa i velikog značaja za države Jadransko-jonskog regiona, bilo da se radi o zajedničkim izazovima ili mogućnostima. Države teže stvaranju sinergije i jačanju koordinacije između svih teritorija u Jadransko-jonskom regionu u četiri tematske oblasti/stuba:

Stubovi

Strategija se zasniva na četiri tematska prioriteta/stuba (*Stub 1 - Blue Growth, Stub 2 - Connecting the Region, Stub 3 - Environmental quality i Stub 4 - Sustainable Tourism*) koji odražavaju ključne izazove ali i ključne mogućnosti u regionu.

Za svaki stub su utvrđene konkretne teme i radnje, uzimajući u obzir potrebe, hitnost određenog pitanja i dodatnu vrijednost zajedničkih radnji preduzetih u cilju rješavanja postojećih izazova ili iskorištavanja budućih prilika.

Ministarstvo komunikacija i prometa Bosne i Hercegovine učestvuje u radu *Stuba 2 - Povezivanje regiona* u dijelu koji se odnosi na oblast prometa.

STUB 2 - Povezivanje regiona

Posebni ciljevi za ovaj stub su:

- *jačanje pomorske sigurnosti i razvijanje konkurentnog regionalnog intermodalnog lučkog sistema*
- *razvijanje pouzdanih prometnih mreža i intermodalnog povezivanja sa zaleđem, kako za teretni tako i za putnički promet*
- *uspostavljanje dobro povezanog i funkcionalnog unutrašnjeg tržišta energije, uvažavajući tri cilja energetske politike EU - konkurentnost, sigurnost snabdijevanja i održivost*

U cilju ostvarivanja gore spomenutih ciljeva, Stub 2 će se fokusirati na tri teme:

- *Tema 1 - Pomorski promet*
- *Tema 2 - Intermodalne konekcije sa zaleđem*
- *Tema 3 - Energetske mreže*

Više informacija o EUSAIR-u, uključujući informacije o nacionalnim koordinatorima, stubovima i koordinatorima po stubovima, možete pronaći na internetskoj stranici: <http://www.adriatic-ionian.eu>